



Vuê o vin plasê di lassâus cun dôs gnovis, che a interessin la nestre Ostarie e plui di cualchidun dai nestrîs Contecurtârs.

O stin cjacurant di doi events che si davuelzaràn ducj i doi ae fin di cheste setemane e dulà che o vin il plasê di invîdâ ducj, se no altri par saludâsi, prime che al rivi il cjalt e ancje la nestre Ostarie e fâsi un pocje di polse.

La prime serade e je in colaborazion cu la [Associazione 1511](#), che insieme cu la nestre Ostarie Leterarie e à inmaneât une serade dediade al teme dal Grant Riviel dal 1511.

Cu la poie dal Comun di Sedean - Assessorât pe Culture - Sportel intercomunâl pe lenghe furlane - e in colaborazion cu la Pro Loco di Rivis

**Joibe ai 16 di Jugn aes 20,45
in localitât "Mulin di Rivis"
Vie Molino Nuovo, Rivis di Sedean**

Carli Pup, judât da lis leturis dal Famei (Checo Tam) e dal Ostîr (Raffaele Serafini) di Contecurte, al à metût adun

CONTECURTE 1511, un viaç jenfri storie e narrative su la Joibe Grasse dal 1511

Framieç di cualchi toc storic, a si leiarà cualchi conte scrite di pueste par il 1511 e, cuissà, magari cualchi conte inedite.



La sere dopo,

Vinars ai 17 di Jugn

aes 20,45 in tal cjistiel di Glemone

la PRO GLEMONE e presente un apontament culturâl che al interesse di dongje sedi i nestrîs Contecurtârs, sedi la Ostarie, e sedi la lenghe furlane. Il titul de serade, difat, al sarà:

**TRÊ SCRITÔRS,
DÔS LENGHIS,
UNE VORE DI CONTIS...**

E ancje chi Checo Tam, Gianfranco Pellegrini e Raffaele Serafini, intune serade di leture di Contis curtis in lenghe taliane e furlane, a cjacaran di **leteradure curte bilengâl**, doprant come imprescj **“Cuatri stagjons dal an”**, **“Scûr di lune”** e **“Corti - Seconda Stagione: l’invasione degli UltraCorti”**.

O IN CJISTIEL O TAL MULIN... US SPIETIN!